

Powšitkowne WOZJEWJENJA

njedźelu, 12. junija 2016

Nyšpor při pomniku swjateju Cyrila a Metoda

Towarstwo Cyrila a Metoda přeprašuje wšitke swójby, młodych kaž staršich ludźi, zo bychu so po putniskim puću pěši, z kolesom abo awtom njedźelu, 12. junija, k pomnikej swjateju Cyrila a Metoda pola Stróžišća podali. W 16 hodź. budže tam nyšpor. Přizamknje so wěcywustojne předstajenje krajiny dokoławokoło. Mały přikus budže spřihotowany.

Indiske reje w Rabličanskej cyrkwi

Młodži rejwarjo skupiny Nrityarpan z Indiskeje wobrubja wutoru, 14. junija, w 19 hodź. Božu mšu w Rablicach. Nrityarpan woznamjenja reja jako dar Bohu. Wšitcy su kemši kaž tež po tym na „Radlubin“ přeprašeni.

Zetkanje Częstochofskich putnikow

Tež lětsa pozbudža farar Beno Jakubaš, so w serbskej skupinje na putnikowanje z Warszawy do Częstochowy podač. Hić smě kóždy sobu, kotryž je 18. žiwjenske lěto docpěl. Termin putnikowanja je wot 5. do 15. awgusta. Zajimcy njech so hač do njedźele, 3. julija, pola fararja Bena Jakubaša w Radworju přizjewja, telefonowe čisło (0 3 59 35) 2 07 13. Zetkanje wšitkich putnikow budže pónđzelu, 4. julija, po Božej mši w Radworju na farje. Wječorne kemše w 19 hodź.

Atraktiwne džěło w Domje swjateho Jana

Při nowym poskitku spěchowanja duchownje zbrašenych pyta Dom swjateho Jana w Smječkecach fachowe mocy předewšem z kwalifikaciju ergoterapeuta, hladarja a kublarja w hojerni (Heilerziehungspfleger) a podobne. Džělowe městna maja so lětsa w awgusće a septembrje wobsadzić. Džělowy čas je mjez 8.00 a 17.00 hodź. Swoje pisomne požadanje njech pósćelu zajimowani na: CSW – Křescansko-socialny skutk, Janska kupjel 1, 01920 Smječkecy.

Klóšterski swjedžen

Z Božej mšu, kotruž změje Chróšćanski farar Měrcin Deleńk, zahaji so klóšterski swjedžen njedźelu, 19. junija, w 10.30 hodź. w cyrkwi klóštra Marijineje Hwězdy w Pančicach-Kukowje. Po kemšach wočakuje wopytowanje pisany program. Mjez druhim zahraje młody serbski cyrkwiniski hudźbnik Feliks Brojer z Budyšina w 13.15 hodź. w cyrkwi na pišćelach. Tež Towarstwo Cyrila a Metoda z.t. změje na klóšterskim swjedženju swójske stejnišćo. Z ekumeniskim nyšporom w 17.30 hodź. so swjedžen zakonči.

Kolesujo putnikowac

K putniskemu tyždenjej na kole přeprašuje Smochčanski Dom biskopa Bena wot 7. do 14. awgusta. Čary powjedu po holi a hatach, po serbskich wsach, hornjołužiskich horach, podłu Łobja a Nysy. Zajimcy měli so w Smochčicach pod telefonowym čisłom (03 59 35) 2 23 15 přizjewić.

Ministrantska kopańca

Na koparski turněr su ministranća ze serbskich wosadow přeprošeni. Tutón wotměje so sobotu, 18. junija, w Pěskecach. Započatk budže w 9.00 hodź. z Božej mšu we wjesnej cyrkwičce.

Wulět seniorow SŠT

Dlěšodobnišeho planowanja dla zdźělmy hižo termin wulěta seniorow Serbskeho šulskeho towarstwa z.t. (SŠT), kotryž budže wutoru, 20. septembra. Podamy so do Zieloneje Góry a tamnišeje wokolinje. W měsće a we wokolinje wobdźělnikow mnohe pozbudžace začišće wočakuja. Měrcin Krawc

Wotjězd busa wulěta samostejacych

Za wulět samostejacych přichodnu wutoru, 14. junija, su hišće někotre městna swobodne. Štóž chcył sobu do Lipska jěć, njech so hač do pónđzele, 13. junija, w 10 hodź. w redakciji Katolskeho Posoła přizjewi, telefonowe čisło (0 35 91) 55 02 12.

Bus pojedže po scěhowacym planje:

- 6.00 hodź. Boranecy
- 6.05 hodź. Chelno (nawjes)
- 6.25 hodź. Chróścicy (bus. zastanišćo)
- 6.30 hodź. Hórki (bus. zastanišćo)
- 6.35 hodź. Nowa Wjeska (bus. zastan.)
- 6.40 hodź. Worklecycy (bus. zastanišćo)
- 6.45 hodź. Pěskecycy (bus. zastanišćo)
- 6.50 hodź. Serbske Pazlicy (bus. zastan.)
- 6.55 hodź. Njebjelčicy (bus. zastanišćo)
- 7.00 hodź. Pančicy (šula)
- 7.05 hodź. Wotrow (bus. zastanišćo)
- 7.10 hodź. Kašecycy (bus. zastanišćo)

Přidatny mały bus:

- 5.30 hodź. Budyšin (Lawske hrjebje)
- 6.00 hodź. Dobrošicy (bus. zastanišćo)
- 6.15 hodź. Šunow (bus. zastanišćo)
- 6.17 hodź. Konjecycy (bus. zastanišćo)
- 6.25 hodź. Róžant (bus. zastanišćo)
- 6.26 hodź. Róžant (Suchy)
- 6.30 hodź. Hrańca (bus. zastanišćo)